

Prolog

“ADUH!” jerit Edryka. Bacaannya terhenti. Habis buku yang dipegangnya jatuh ke jalan. Dia mengusap lengannya.

Buku yang dibawa Rain turut jatuh ke jalan. Dia segera mengambil bukunya.

“Maaf. Saya tak sengaja,” ujar Rain.

Edryka merengus perlahan.

Buta ke apa orang ni! Aku yang besar ni pun nak dilanggarnya. Mata tu letak dekat kepala lutut agaknya. Menyampah betul aku orang yang macam ni! bisik hati Edryka.

Setelah mengambil buku yang terjatuh tadi, Edryka bangun semula. Dia melihat lelaki itu. Geram sungguh dirinya ketika itu. Anak matanya terpana melihat lelaki itu. Ternganga sekejap mulutnya. Cepat-cepat ditutup semula mulutnya.

Sepet? Aduh! Kenapalah sejak kebelakang ni aku asyik jumpa lelaki mata sepet aje! Dalam mimpi pun aku boleh jumpa lelaki sepet! Aku ni dah kenapa! Dah tak betul agaknya! Hari ni aku berlanggar pula dengan mamat sepet! Hari sepet sedunia ke apa ni! Pening kepala aku macam ni kalau setiap detik fikir pasal sepet aje! Sepet! Sepet! bebel hati Edryka.

Raintersenyum. Comelnya dia ni! desis hatinya.

Boleh pula dia tersenyum! Bukannya nak minta maaf! bebel Edryka pula.

“Minta maaf sekarang!” pinta Edryka kasar.

Rain terkedu. Dia bagai tidak percaya perempuan di hadapannya itu berkata kasar begitu. Gaya dan rupa nampak sopan aje tapi perangai kalah orang lelaki. Ganas!

“Hah?”

Edryka merengus kasar.

“Awak ni pekak ke apa! Tak payah nak hah sangatlah! Saya cakap sekali lagi. Minta maaf sekarang dekat saya! Kalau dah salah tu, tak reti nak minta maaf ke? Jangan berlagak diri tu suci sangat! Suci tahi kucinglah! Menyampah!” Edrykabuat muka berlagaknya.

Rain masih terdiam. Muka perempuan itu dilihat dalam-dalam. Edryka semakin berang apabila lelaki itu tidak bersuara. Tiada tanda-tanda untuk lelaki itu membela diri.

“Saya tahulah mata awak tu sepet. Takkanlah mata sepet pun tak nampak bila berjalan? Nasib baik tak tertutup terus mata tu! Lain kali berjalan tu tengok depan. Bukannya hendak berangan. Kalau nak berangan, awak duduk dekat tangga sana tu! Beranganlah puas-puas. Faham!” Tak ada budi bahasa betullah Edryka ni.

“Okey! Saya minta maaf. Puas hati?” ujar Rain ringkas.

Bulat mata Edryka memandang lelaki itu. Diaberpeluk tubuh. Macam hendak mencari gaduh aje lelaki itu dengannya.

“Apa awak cakap? Puas hati? Huh! Cantik bahasa.

Nak bergaduh dengan saya ke apa! Kalau nak, boleh aje! Mari sini! Kalau berani dekat dengan saya, saya patahkan tangan awak tu! Sini!”

Rain tidak berkulit. Bukunya masih dipegang.

“Saya tak ada masa nak bergaduh. Saya datang sini nak belajar dan bukannya nak cari pasal dengan orang lain. Kalau saya betul-betul salah tadi, saya minta maaf sekali lagi. Kalau bukan, saya dah maafkan awak. Manalah tahu mata awak tu juling sampai boleh terlanggar dengan mamat sepet ni kan! Minah juling dengan mamat sepet! Okey kan? Sepadan! Semuanya berkenaan dengan mata,” bidas Rain.

Geram Edryka melihatnya.

“Awak cakap saya ni minah juling?” Edryka menggenggam kuat tangannya tanda geram.

Rain mengangguk.

“Ya. Awak minah juling. Kalau tak juling, awak tak berlanggar dengan saya. Setahu saya, saya berjalan tadi tengok depan. Alih-alih awak langgar saya. Kalau nak baca buku, bukannya sambil berjalan. Faham! Sekarang salah siapa? Saya atau awak? Tolong cakap dekat saya sekarang! Saya nak dengar!”

Edryka terdiam. Merah padam mukanya. Lelaki di hadapannya memang betul-betul berani berkata-kata dengannya. Selama ini tiada seorang pun yang berani melawan katanya.

“Kenapa diam? Sekarang dah jelas kan salah siapa? Saya tak nak panjangkan hal ni lagi. Saya pergi dulu. Malas saya nak melayan hal-hal yang tak berfaedah ni!” pinta Rain. Langkahnya disambung kembali.

Edrykamenghentak kakinya. Rasa hendak ditunjal-tunjal saja kepala lelaki itu.

“Oh ya! Lupa saya nak beritahu. Maaflah ya kalau kata-kata saya tadi terkasar. Ada nampak macam biadab tak? Huh! Saya tak ada niat pun nak cakap macam tu. Saya cuma nak awak sedar aje kesalahan awak sendiri. Jangan nak terus menyalahkan orang lain. Jalan tu guna mata. Jangan hendak menutup kesalahan sendiri dengan menuding jari terhadap orang lain. Boleh?” Rain tersenyum.

Panas saja telinga Edryka mendengarnya. Berani betul lelaki itu menyindirnya. Belum sempat dia hendak bersuara, lelaki itu bersuara lagi.

“Awak Melayu kan? Okey! Senang cerita! Dalam Islam mengamalkan sikap hormat-menghormati. Bercakap secara baik dan bukannya bercakap secara kasar macam nak makan orang. Nabi tak suka kalau orang bercakap kasar ni! Apa yang penting, awak dapat pahala kalau senyum. Senang aje awak nak mengutip pahala dekat dunia ni. Nanti bila kita terserempak lagi, awak senyum tau! Jangan nak masam pula muka tu! Tak manis! Kita kena mengikut sikap yang baik. Nabi Muhammad murah dengan senyuman. Ikut perangai Nabi Muhammad. Boleh?” sambung Rain lagi.

Rasa mahu dicili-cili saja mulut lelaki itu. Bertambah pedas kata-kata lelaki itu. Edryka hanya mampu menahan geram. Tak pasal-pasal ketika itu dirinya mendapat ceramah percuma.

“Perempuan Melayu ni kalau sopan santun, ada tingkah laku yang baik, pandai menghormati orang, orang lain mesti suka terutamanya lelaki. Lelaki suka kalau perempuan ada ciri-ciri macam tu. Bagus untuk dijadikan calon isteri. Okeylah! Saya pergi dulu! Assalamualaikum,”

ucap Rain.

Rain hanya tersenyum saja dalam langkahnya itu.

“Siaplah kau! Kalau aku jumpa kau, aku takkan lepaskan kau!” geram Edryka perlahan.

“Jangan lupa jawab salam saya tu. Kalau tak jawab, berdosa tau!” Sempat lagi Rain mencelah dalam perjalanannya itu.

Bulat mata Edryka mendengarnya. Hendak saja dibaling bukunya dekat lelaki itu. Memikirkan buku itu ialah ilmu pengetahuan, jambatan ilmu, dibatalkan saja niatnya. Dengan ilmulah dapat mengubah hidup seseorang. Dapat memberi kejayaan dalam hidup seseorang. Tidak elok mempersiapkan ilmu.

“Walaikumussalam.” Edryka terus berlalu dari situ dengan kesebalan hatinya. Berkumat-kamit mulutnya mengata pasal lelaki itu. Hentakan kuat menyaksikan perjalanannya.

1

EDRYKA seperti cacing kepanasan yang asyik mundar-mandir di depan perpustakaan UiTM Shah Alam. Seperti sedang menunggu seseorang gayanya. Muka tu nak ketat semacam saja. Macam gunung berapi nak meletup. Merah padam muka tu, menahan panas agaknya. Jam di tangan ditatap berulang kali. Bengang betul dia menunggu! Hampir setengah jam masih belum muncul.

“Manalah dia ni? Janji pukul sembilan sampai sekarang tak muncul lagi. Apa punya orang pun tak tahu! Aku pantang kalau orang tak tepati masa ni!” geram Edryka kala itu.

Kelihatan seorang perempuan sedang menuju ke arah Edryka. Tercungap-cungap dibuatnya. Perempuan tu hendak berjumpa Edryka atau ke perpustakaan? Kalau dia brek, memanglah nak jumpa si Edryka. Kalau terus macam nampak lampu hijau lampu isyarat tu, memanglah perpustakaan tu jadi hala tujunya. Perempuan itu kelihatan tergesa-gesa seperti sudah terlepas janji temu dengan kekasihnya aje.

“*Sorry* la, Ryka. Aku lambat! Jalan sesak tadi. Macamlah kau tak tahu jalan *area* kat sini macam mana. Kalau hari-hari macam ni, pening aku dibuatnya. Duduk berjam-jam dalam teksi tu,” ujar perempuan itu kepada Edryka.

Kepanasan di muka Edrykajelas kelihatan.

“Banyak la kau! Aku kat sini dah macam udang kena bakar tau tak! Kalau ada *fresh orange* dekat sini, dah lima gelas habis! Silap-silap dengan gelasnya sekali aku telan! Itu ajelah alasan kau! Tak ada alasan lain ke kau nak bagi? Muak tau tak!” Jelas Edryka tak puas hati.

Akhirnya muncul juga orang yang ditunggu-tunggu. Tercungap-cungap Lily menanggung keletihan.

“Relakslah, Ryka. Janganlah nak marah-marah macam ni. Aku pun panas juga tau! Aku dalam perut teksi tu macam dah nak terbakar. Nampak aje macam teksi baru tapi macam naik teksi buruk aje! Pak cik tu punyalah kedekut nak pasang *air-cond*,” leter Lily sambil mengawal keletihannya.

Edryka merenung geram kepada sahabat yang paling rapat dengannya itu.

“Dahlah. Jom masuk! Nak bebel dengan kau ni pun tak guna! Kalau bebel hari ni pun, silap-silap esok kau buat lagi. Air liur aku aje yang habis. Naik kering tekak aku ni! Kalau dah kering, nak belanja aku air tak apalah juga. Ini tak! *Hampeh!*”

Sifat panas baran Edryka sudah sebatu dalam dirinya. Macam adun kuih tu! Memang tidak dapat dipisahkan. Panas baran pun ada juga sifat kelembutannya. Ia akan muncul dalam sesuatu keadaan aje. Ada juga sifat pemalunya. Sifat pemalunya itu, kadang-kadang orang menyifatkannya sebagai seorang yang sombong. Yalah, boleh disama ertikan tak nak bergaul dengan orang lain. Buat hal sendiri saja.

Edryka dan Lily mencari tempat duduk yang tersorok sedikit daripada pandangan orang ramai. Senang

la sikit hendak mengulang kaji, nanti tak ada gangguan. Cuba bayangkan kalau semeja dengan orang yang kuat kaki gosip, tak pasal-pasal tak dapat fokus. Apa yang dibaca pun langsung tak masuk dekat otak. Mulut tu tak reti nak berhenti bercakap.

“Ryka, aku nak pergi sana dulu! Aku nak pergi ambil buku ekonomi aku dulu,” pinta Lily.

Edryka hanya mengeluh perlahan.

Disebabkan kau lambat tadi, malas aku nak layan kau. Padan muka! Langkahnya disambung kembali.

“Eleh! Nak *touching* dengan aku la tu! Tak apa. Sekejap aje tu! Kau tunggulah kejap lagi kena dengan kuasa aku. Cair habis! Tak ada lagi keras kau tu!” bebelnya perlahan lalu menjeling ke arah kawannya itu.

Lily menuju ke rak buku untuk mencari buku subjeknya iaitu ekonomi. Itulah subjek kegemarannya. Selesai sahaja mengambil buku tersebut, Lily menuju ke tempat duduknya kembali.

“Ryka, kau marah dekat aku lagi ke? Sudah-sudahlah marah kau tu. Aku bukannya sengaja pun. Aku betul-betul minta maaf. Kau pun tahu kan rumah aku jauh macam duduk kat hulu sana. Aku pun bukannya sengaja nak datang lambat. Kat sini bandar bukannya pekan. Kalau universiti kita ni dekat pekan, sebelum pukul lapan aku dah terpacak kat sini. Tak sesak!” Mendayu pula suara si Lily ni. Sesi memujuk ya.

Edryka yang mendengar, mula lembut hatinya. Kalau bab-bab pujuk-memujuk ni, suara mendayu-dayu memanglah kelemahannya. Keras terus cair. Lemah betul hati kau ni, Edryka.

“Kau ni macamlah tak kenal aku. Bukan sehari

dua kau kenal aku kan? Aku tak marahlah. Lagipun kau ada sebab yang logik. *By the way, sorry* la aku marah kau tadi. Lama tau tak aku tunggu kau? Macam manalah aku tak angin? Hampir setengah jam!" keluhnya perlahan.

Lily tersengih. Macam kerang busuk ada juga.

"Alah bukannya salah aku pun. Salah pak cik teksi yang bawa teksi cabuk tu! Perlahan aje dia bawa. Macam kura-kura! Nak buat macam mana lagi kan? Dahlah jalan sesak masa tu. Nak tak nak, terima ajelah."

"Hmmm... Yalah tu." Edryka buat muka dua puluh sennya.

Lily tersenyum. Pantang buat ayat sedih, terus cair.

"Kau tak marah akulah ni?" soal Lily.

"Hmmm..." Edryka macam nak tak nak jawab aje. Tersenyum sikit.

"Sayang kau! Ni yang Edryka aku kenal. Tak baik tau nak marah-marah kawan sendiri. Mulai esok, aku janji aku takkan lambat lagi! Okey?" Tabur janji pula si Lily ni.

"Nak membodeklah tu. Itu ajelah yang kau tahu kan? Tak ada modal lain. Tak apa! Aku nak pastikan janji kau tu betul! Sahih! Aku tak nak janji palsu yang pernah kau buat dulu! Ingat sikit kalau orang yang tabur janji ni dan tak buat, kau fikirlah sendiri akibatnya. Kau tanggunglah sorang!" jawab Luna Farisya.

Tersengih sampai gigi tu tersusun rapi lagi. Boleh buat iklan gigi ni.

"Ya! Ya! Aku tahulah. Nanti janji aku yang lepas tu, aku tebuslah balik."

Edryka menggeleng perlahan.

“Boleh pula macam tu ya? Ingat janji tu macam nak tebus barang ke apa? Kalau dah berjanji tu kena tunaikan, nanti merana diri tu. Suka hati kaulah, Lily. Itu hidup kau kan. Bukannya hidup aku.”

Lily melihat sekitarnya.

Kelihatan seorang lelaki memasuki perpustakaan. Apabila sahaja lelaki itu masuk, semua perempuan melihat ke arahnya. Ketampanan lelaki itu mampu menggoda naluri wanita. Lelaki seakan-akan K-pop sudah meracuni fikiran kaum Hawa yang berada di situ. Comelnya dia. Aduh!

Lelaki tersebut mengenakan *T-shirt* berwarna hitam putih. Bajunya seakan-akan K-pop dan seluar jean berwarna biru. *Pergh!* Mahu pengsan habis nanti. Teramat kacak dan comel.

Lily juga tidak ketinggalan melihat lelaki itu. Buntang matanya.

Mak oi! Dia ni orang ke apa! Apa pasal comel sangat ni! Tak pernah aku nampak lelaki secomel dia ni. Aku nak dikategorikan dia ni sebagai apa *ek?* Comel ke *handsome?* Lain maksud tu! Kejap! Dia ni orang Malaysia ke apa? Takkan orang luar negara pula kut! desis hati Lily.

Mata tu bukannya nak tengok buku, tapi merayap aje tengok ke tempat lain. Lily terpana apabila melihat lelaki tersebut.

Aku rasa dia ni bukan orang sini kut! Tengok mata dia tu sepet. Nak kata Cina takkanlah. Cina pun aku boleh bezakan. Kulit muka dia pula licin *seyyy*. Putih dah satu hal. Tak ada pula bekas-bekas jerawat. Satu lagi, rambut dia tu. Macam artis K-pop gitu. Comelnya!!! desis hatinya lagi. Senyuman terukir di bibirnya.

Pantang nampak lelaki kacak.

“Ly, aku nak tanya sikit. Soalan ini macam mana *ek*? Aku kurang fahamlah. Macam berbelit aje soalan ni,” tanya Edryka sambil menghulurkan bukunya.

Edryka yang perasan akan pandangan Lily ke tempat lain pantas menggeleng perlahan. Dia mengeluh.

Aku ingat dia ni baca buku! *Hampéh* betul dia ni! Nak aje aku hempuk buku ni kat kepala kau tu! Tak payahlah nak *over* sangat! Macam orang *jakun* pun ada juga! *Aish* dia ni!!! geram hati Edryka.

“Hoi, Ly! Ly!” panggil Edryka tapi Laily masih buat bodoh.

Edryka tersenyum nakal. Tak apa. Kau buat pekak ya. Kau tunggu.

Edrykabangun lalu menuju ke sisi kawannya itu. Telinga kawannya itu menjadi sasarannya.

“Ly!!!” jerit Edryka. Hah, ambil kau!

Terkejut habis si Lily. Berderau darahnya. Diamelihat kawannya itu... Kacaulah pula dia ni. Hilang fokus aku kat mamat comel tu. Isy!!!

“Weh! Apa ni? Kalau ya pun nak panggil aku, panggil elok-eloklah! Bingit *sey* telinga aku. Kalau aku dah pekak nanti macam mana? Kau nak bagi telinga kau tu kat aku? Isy dia ni!!!” Telinga dipegang. Kuatnya.

“Oh! Panggil elok-elok eh? Aku dah panggil baik-baik, kau boleh pula tebak telinga kau tu macam telinga gajah. Kau boleh buat selamba aje. Tengok apa pun aku tak tahu. Cuba fokus sikit dengan apa yang kau baca tadi tu. Ini tak, mata tu nak merayap aje tengok tempat lain. Nanti tak lulus *exam* baru kau tahu. Jangan nak menangis depan aku.”

Edryka menyatakan rasa tidak puas hatinya. Tersengih pula si Lily ni.

“*Sorry* la, Ryka. Kita *pause* dulu pasal studi kita ni. Sekarang ni aku nak kongsi sesuatu dengan kau. Allah menciptakan hamba-Nya dengan kelebihan yang tersendiri. Kau tahu tak, fikiran aku ni dah terkena racun dan panahan asmara. Berbisa weh! Sekarang ni aku ada nampak seorang hamba Allah ni. Alamak! Comelnya mamat tu! Kan *best* kalau dia jadi pakwe aku,” jawab Lily dan pandangannya kembali ke arah lelaki tersebut. Berkerut dahi Edryka apabila Lily berkata sedemikian.

Edryka pelik. Dah kenapa pula si Lily ni!

“Hoi... Apa yang kau mengarut ni! Dah mulalah tu perangai sengal dia tu! Cuba cakap dengan aku, panah asmara apa pula ni? Kalau ya pun nak berangan ke kota kayangan dan jumpa dengan putera raja, kau balik rumah berangan atas katil. Nak berangan tu tak bertempat langsung!” balas Edryka.

Lily mengalihkan pandangannya ke arah Edryka.

“Aku bukan berangan tapi realiti. Aku ada ternampak seorang mamat ni. *Handsome sey!* Cair hati aku tengok dia! Elok aku demam terus baik demam aku ni. *Wa...* Kalau kau tengok dia, mesti kau suka.”

Edryka bertambah pelik. Dah bertambah kronik kawan dia ni.

“Sekejap! Ada ke lelaki kat dalam perpustakaan ni? Setahu aku bila aku masuk tadi, seorang lelaki pun tak nampak. His! Kawan aku ni dah *mereng* agaknya! Seram pula aku.”

“Cuba kau tengok mamat dekat kaunter tu. Yang tengah pinjam buku tu. *Handsome*. Allah mengurniakan

kepada dia dengan kekacakan yang boleh meruntuhkan tembok pandangan seorang perempuan. Muka dia ada ala-ala K-pop sikit. Pipi dia tembam aje. Comel! Muka dia tu seakan-akan penyanyi Korea, tapi aku tak ingat pula namanya. Apa pun dia tu memang comel," sambung Lily dengan suara panahan cintanya.

Edryka pun melihat ke kaunter. Edryka terpaksa apabila melihatnya.

Itu bukan ke lelaki tadi? Lelaki perasan bagus! Tak padan dengan sepet! Aku sepet kelopak mata tu baru tahu! Biar tertutup terus mata tu! Tak habis lagi geram Edryka terhadap lelaki itu.

Memang diakui, kata rakannya itu betul. Seorang lelaki yang *berdouble triple handsome*. Comel pula tu. Ketampanannya terserlah dengan gayanya.

Lily yang perasan akan pandangan Edryka terhadap mamat K-pop itu, pantas dipintas oleh tangannya.

"Eh... cup! Ryka, mamat tu aku punya. Kau jangan nak sambar aku punya! Kalau kau nak, kau pergi cari sendiri!" suruh Lily.

Pandangan Edryka terhenti apabila rakannya itu memintas pandangannya.

"Alah! Tak ada maknanya. Tak ingin aku! Macamlah mamat tu dengan rasminya milik kau! Kalau dah milik kau tu, lainlah. Ini angan aje lebih. Mimpi siang hari ajelah! Lagipun dia tu bukanlah kacak sangat pun. Aku boleh cari lebih baik daripada mamat tu," balas Edryka. Hatinya tidak berhenti memuji ketampanan lelaki itu.

Mulut cakap lain, hati cakap lain.

"Ada aku kisah! Yang penting, dia aku punya!"

ujarnya perlahan. Pandangannya dihala kembali pada lelaki tersebut.

Lelaki yang menjadi perhatian ramai wanita di situ selesai meminjam bukunya. Lalu, dicarinya tempat duduk untuk duduk. Apa lagi, gediklah semua perempuan kat situ. Menyampah pula tengok gayanya! Tersipu-sipu aje. Siap tarik kerusi lagi, suruh mamat tu duduk. Memang tak tahu malu betullah minah ni semua. Jangan haraplah mamat tu nak duduk dengan kau orang semua. *Hehe*.

Lelaki tersebut hanya tersenyum aje. Tak ada pula tanda-tanda dia nak duduk dekat kerusi yang dia orang tawarkan. Perpustakaan ni kan besar. Banyak lagi tempat duduk yang ada.

Anak matanyamelihat ke bahagian belakang perpustakaan. Lalu dia berlalu dari situ dengan senyuman yang tidak lekang dari bibirnya.

Habis buku dihentaknya. Mulalah tu buat muka tempe basinya. Dah orang tak nak, takkan nak dipaksa pula? Wahai perempuan semua yang perasan cantik. Terimalah hakikat bahawa lelaki tu tak nak duduk dekat dengan kau orang semua.

2

EDRYKA yang sedang menelaah bukunya itu tidak sedar akan kehadiran seseorang yang sedang menuju ke tempatnya. Lilyperasan akan kehadiran lelaki yang dilihatnya itu. Diamembetulkan bajunya. Sempat lagi buka bedak kompaknya. Tepek bedak ala kadar. Diletakkan kembali bedaknya itu ke dalam beg. Hatinyaditerpa perasaan bahagia.

“Helo...” ujar mamat K-pop yang digelar oleh Lily.

Edryka yang sedang leka membelek bukunya itu, pantas dikejutkan oleh satu suara yang tak dikenali. Lilymempamerkan senyumannya itu yang tak lekang dari bibirnya.

Lily ni dah kenapa! Semacam aje. Janganlah tersengih sampai macam tu sekali. Nanti tak pasal-pasal orang labelkan kau tu perempuan gedik pula! Jari tu duduk diam-diam tak boleh ke! Jangan nak gulung-gulung baju tu! Dah macam orang tak betul aje! Kawannya itu dilihat.

“Hello too...” jawab Lily.

Edrykapandang ke hadapan. Bulat anak matanya.

Hah? Apa mamat ni buat dekat sini? Aku ingat siapa tadi. Takkanlah dia nak duduk dekat sini pula. Dekat sini tempat duduk punyalah banyak. Dekat sini juga dia nak duduk. Masalah betullah dia ni! Tak aman hidup aku hari ni. Tak pasal-pasal aku kena ceramah percuma lagi, gerutu

hati Edryka.

"Can I sit here?" ujar lelaki itu dengan senyuman.

Lily mempersilakan lelaki itu untuk duduk.

"Sure." Lily tarik kerusi di sebelahnya. Dia hanya tersenyum lebar. Suka pula hatinya ketika itu.

Edryka yang berada di sebelahnya itu, terkejut dibuatnya dengan pelawaan rakannya itu.

Isy, dia ni!!! Sesuka hati aje suruh mamat sepet tu duduk. Kalau ya pun, tanyalah aku dulu boleh ke tak. Ini tak ada minta kebenaran aku pun. Macam dia seorang aje dekat sini. Kau tunggulah! Aku ketuk kepala kau tu sampai keluar burung baru tahu! Macam dia seorang aje dekat sini! gerutu hati Edryka lagi.

"Thank you," ujar lelaki itu kepada Lily sebaik sahaja membenarkannya duduk di situ.

Lily tersenyum. Tak sudah dengan senyumnya itu.

"Welcome," jawab Lily.

Lelaki itu perasan akan seseorang ketika itu. Perempuan yang berlanggar dengannya tadi. Jantungnya mulai bergetar laju.

"My name is Rain. You?" ujar lelaki itu sebaik sahaja memperkenalkan dirinya.

Peliknya nama. Mesti dari Korea. Setahu aku kalau dah nama Rain ni mesti dari Korea. Macam seorang artis tu. Isy! Lupa pula siapa dia tu. Tapi kan, kalau dah tengok dari dekat ni, muka tu pun dah macam Korea. Sebijiilah macam Korea. Tak ada yang kurang sikit pun, bisik hati Lily.

Lily menggeleng perlahan.

"Oh... My name is Lily. Are you a new student here?"

jawab Lily dengan mengajukan pertanyaan kepada mamat K-pop itu.

"Yes. This is my first day here," balas Rain.

Edryka hanya terdiam sambil membelek bukunya. Telinganya menangkap perbualan lelaki tak diundang itu dengan kawannya.

Nak speaking *London* la konon! Geli pula telinga aku ni dengar. Eee!!! desis hati Edryka.

"Where are you from? I think you are not from here, right? Based on your looks, I don't think so," tanya Lily.

Rain hanya tersenyum dengan pertanyaan Lily.

"Yes. I am from Korea," balas Rain.

Hati Lily diterpa gembira.

Hah kan betul apa yang aku anggap tadi. Korea. Patutlah comel semacam aje. Rupa tu tak macam lelaki Malaysia. Ya Allah, dekat sebelah aku ni lelaki Korea. Aku tak bermimpi! Akhirnya aku dapat juga jumpa lelaki Korea. *Face to face*. Sabar! Sabar! Jantung aku ni tak boleh terkeluar. Kawal sikit. Nafasnya dihembus perlahan.

"I came here because I followed my parents. They moved here. My father works here," sambung Rain.

"Oh... I see..." jawab Lily dengan ringkas. Hanya angguk perlahan.

Rain tersenyum.

"You, cakap saja Melayu. I boleh faham. Kesian tengok you. Lidah you tu berbelit-belit nak cakap Inggeris," ujar Rain tersenyum dan memahaminya.

Lily terkejut dengan pertukaran bahasa yang dituturkan oleh mamat tersebut. Edryka juga kelihatan

sedemikian. Betul ke ni?

“You boleh cakap Melayu?” soal Lily dengan perasaan ingin tahu.

“Ya, I boleh cakap Melayu. Tak adalah mahir sangat. Biasa-biasa aje. Kenapa tak percaya ke?” jawab Rain sambil menaikkan kening kanannya itu.

Alamak! Comelnya mamat ni buat macam ni. Haiiii. Cair pula aku nanti depan mamat ni, desis hati Lily. Pantas Lily kembali di alam realiti.

“Macam mana you boleh tahu cakap Melayu? You belajar sendiri ke?” soal Lily.

“Sebenarnya, *my mum* orang Malaysia. *My pa*, orang Korea. *Mummy* I adalah ajar I sikit-sikit cakap Melayu. Dulu, susah juga nak cakap Melayu. Yalah, macam pelik aje bunyinya kan. *But now*, dah fasih dah. Yalah kalau I cakap Inggeris tak semua orang tahu kan? *So it's better* I cakap Melayu aje. Senang,” sambung Rain lagi.

Peramah pula si mamat ni. Aku tanya sikit, panjang berjela pula dia jawab. Macam kereta api. Tapi tak apalah, aku suka juga. Sekurang-kurangnya dia bukan seorang yang pendiam, bisik hati Lily.

“Ya ke? Untung la you, dapat tahu cakap Melayu. Tak la you berasa kekok dekat Malaysia ni kan. Lama ke you dekat Malaysia ni?”

“Bergantung kepada *my dad* la. Kalau dia lama dekat sini, lamalah I dekat sini. Kalau sekejap, sekejaplah I kat sini. I ikut aje,” jawab Rain.

Rain hanya tersenyum dan pandangannya bertukar arah kepada Edryka. Seperti hendak menegurnya sahaja.

Lily hanya mengangguk perlahan.

“Hai, awak. Senyap aje. Dalam mulut tu ada emas ke sampai susah sangat nak cakap,” tegur Rain kepada Edryka.

Lily perasan akan teguran lelaki itu kepada kawannya. Perasaannya mula bergelodak. Macam pukulan ombak besar saja melanda dirinya. Takkanlah dirinya itu dihimpit rasa cemburu pula? Baru kenal tak sampai setengah jam dia sudah rasa semua tu.

Edryka hanya memandang sekilas sahaja kepada mamat tersebut dan memandang bukunya kembali.

Boleh pula dia cakap dalam mulut aku ada emas. Isy! Dia ni nak kena dengan aku agaknya. Sesuka hati mulut dia aje nak cakap macam tu! Kalaulah dalam mulut aku ni ada emas, dah lama aku jual. Tak payah aku nak simpan! Buat menyemak aje! desis hatinya.

Lily yang perasan kawannya itu tidak memberi sebarang tindak balas, dia melihat Rain kembali.

Tak mesra alam langsung! Senyum pun tak nak! Sempat pula Lily mengutuk kawannya itu.

“Kawan I ni memang macam ni. Susah sikit nak berbual dengan orang. Dia tu lebih suka bercakap dan bercinta dengan buku dia tu. Nama dia Edryka.” Lily mencelah.

Pantas Edryka melihat Lily dengan perasaan yang meluap-luap sebaik sahaja dia menyebut namanya dan memperkenalkan dirinya kepada mamat itu.

Kau ni, Ly. Memang nak kena dengan aku. Suka hati mak bapak kau aje nak sebut nama aku kat mamat sepet ni. Kecil besar aje Edryka jeling kawannya itu.

“Oh ya ke? *Nice to meet you, Edryka*. Tak baik tau kalau mulut tu nak diam aje. Sekali-sekala kenalah bercakap juga. *You are a beautiful girl*,” ujar Rain sambil pandangannya menuju tepat ke muka Edryka.

Tersentak Lily dibuatnya.

Dia puji Ryka? Aku yang depan dia ni tak nak dipuji pula. Jangan cakap yang dia dah tersangkut dengan Ryka dahlah. Sakitnya hati aku!!! Mendidih hati Lily.

“*Thanks*,” jawab Edryka sepatah. Hatinya tidak keruan apabila lelaki itu memujinya sebegitu.

Terlakar satu senyuman kegembiraan di bibir. Rain seakan-akan sudah jatuh hati dengan Edryka dengan pertemuan kali pertama yang tak disengajakan itu.

Lily ligat mencari soalan apa yang harus ditanya kepada lelaki di sebelahnya itu. Dirinya memang berasa cemburu dengan pujian tersebut.

“You ambil jurusan apa?” tanya Lily.

“Oh... I ambil *course* muzik. I memang minat muzik,” jawab Rain.

“You pula ambil *course* apa?” soal Rain pula.

“I ambil ekonomi. I nak jadi cikgu. Cikgu Ekonomi. I memang minat jadi cikgu,” jawab Lily tersenyum.

Rain melihat jam tangan yang berada di pergelangan tangannya itu.

“Okeylah. I ada hal ni. Maklumlah ini hari pertama I dekat sini. Banyak benda nak kena buat. *So*, I kena pergi dulu. Apa-apa pun, seronok jumpa kau orang berdua dekat sini. I harap kita boleh jadi kawan,” ujar Rain.

“Kalau macam tu, pergilah uruskan hal you tu.

Nak uruskan hal kemasukan dekat sini pun macam leceh aje. Banyak prosedur kena buat. I pun seronok dapat jumpa you. I macam tak percaya yang lelaki Korea datang ke meja I dan berbual dengan I. Macam mimpi pula. Biasanya I tengok dekat TV aje,” balas Lily tersenyum.

Rain terasa pelik. Dahinya berkerut.

“Wait! You cakap apa tadi? Le... leceh. Apa tu? Saya tak tahu.”

Lily hendak tergelak aje. Itu pun takkanlah tak tahu.

“Takkan itu pun you tak tahu? *Hmmm...* Macam mana nak cakap ya. Maksudnya macam... macam... Hah, leceh tu maksudnya susah. *Difficult*. Faham tak?”

“Oh. Nampaknya I kena banyak belajar lagilah bahasa Melayu daripada you. Sampaikan le... leceh tu pun I tak tahu. Susah pula I nak sebut. *It's a new word*. Bahasa Melayu kan bahasa kebangsaan orang Malaysia. Bahasa yang baik melambangkan keperibadian seseorang tu. Betul tak? Okeylah. Saya pergi dulu. *Bye*,” ujar Rain tersenyum sambil menolak kerusi yang didudukinya ke dalam meja.

“Okey,” jawab Lily.

Rain mempercepatkan langkahnya ke luar perpustakaan. Urusan apalah lagi yang belum diselesaikannya.

Lawaklah pula dia ni! Dahlah comel. Nampak *sweet* aje. Kenapalah urusan kau tu tak diselesaikan aje dari tadi sebelum kau masuk perpustakaan ni? Rasa sayang pula nak berhenti bercakap dengan kau, wahai mamat K-pop. Dia ni memang dah melekat kat hati aku ni.

Berangan ajelah kau, Lily.

Fuh, pergi pun mamat *poyo* tu. Aman sikit hidup aku. Siap kau, Lily. Aku akan buat perhitungan dengan kau dalam hal ni. Apa yang penting bukan sekarang. Kau tunggulah! getus hati Edryka.

“Sudah! Sambung ulang kaji kau tu. Mamat *poyo* tu a.k.a mamat mata sepet tu dah tak ada. Tak payah tengok mamat tu sampai biji mata kau tu nak terkeluar. Fokus dekat buku kau tu. Dalam *exam* nanti tak ada pun pasal mamat sepet tu. Pantang nampak lelaki *handsome* sikit! Mulalah tu ulat bulu naik ke badan. Tergedik sana, tergedik sini,” ujar Edryka.

Macam tak puas hati aje si Edryka ni. *Hehe*. Takkan cemburu kut.

Lily pantas memandang ke kawannya itu.

“Ryka, kau ni janganlah sombong sangat. Mamat *poyo* atau mamat mata sepet yang kau gelarkan tu nak berkenalan dengan kau aje pun. Dia bukannya nak buat benda tak baik. Muka *baby face* dia tu takkanlah orang jahat. Dia baik aje. Cubalah jadi orang yang mesra alam sikit,” luah Lily sambil tepuk tangan kawannya di atas meja.

“Dah, tak ada maknanya. Kau belum kenal lagi perangai lelaki macam mana. Nanti kalau dah terkena dekat batang hidung sendiri, baru kau tahu. Lepas tu kau nak menangis sampai mata kau tu bengkak macam panda dah tak guna. Jangan nak luah kat aku. Kau cari ajelah orang lain nak luahkan perasaan kau tu. Aku tak nak dengar lagi dah. *Now continue with your study!*” balas Edryka sambil menyambung pandangannya ke buku.

Tegas nampaknya si Edryka ni. Ada pengalaman hitam ke dalam hidupnya tentang lelaki? Hatinya pernah dipertingkatkan ke dulu?

Aku benci lelaki macam tu! Dia tu sama aje macam lelaki lain. Harap muka aje kacak tapi perangai kalah setan! Mula-mula mengayatlah lebih-lebih. Buat-buat baik. Lepas tu buat tahi. Bukan tahi kucing tapi tahi anjing. Busuk! Cukuplah sekali aku kena dulu. Serik! Serik tau tak! monolog hatinya.

Lily menuruti sahaja tanpa banyak kata.

“Okey.” Lemah Lily menjawab. Malas nak cari pasal semata-mata sebab lelaki.